

ԵԳԻՊՏԱԶԱՅ ՊԱՐՐԵՐԱԿԱՆ ՄԱՄՈՒԼԻ ՄԱՍԻՆ

Եգիպտահայ դաղութր ստեղծել է թվով և ուժով բավական ուշագրավ պարբերականներ: Դրանց պատմության ուսումնասիրության ընագավառում մինչև օրս կատարված աշխատանքը սլարզ ցուցակագրումից այն կողմ գրեթե չի անցել: Առաջինը ձեռնամուխ լինելով եգիպտահայ պարբերական մամուլի հետազոտմանը, Մ. Պոտուրյանը կազմել է 1865—1905 թթ. Եգիպտոսում լույս տեսած հայկական լրագրերի և հանդեսների ցուցակը՝ «Եգիպտահայ լրագրության քառասնամյա պատմությունը»¹, որն ընդգրկում է 14 անուն: 1913 թ. Վահան Պալյանը կազմել է երկրորդ ցուցակը՝ «Եգիպտահայ լրագրությունը»², որը զգալի չափով ավելի ընդարձակ է (31 անուն), քան առաջինը: Երրորդ ցուցակը՝ «Հայ լրագրությունը Եգիպտոսի մեջ 1865—1932»³, կազմել է Վահան Զարդարյանը, թվարկելով 64 անուն պարբերականներ: Այդ ցուցակները զգալի չափով պակասավոր են և պարունակում են բազմաթիվ սխալներ: Անքրննադատարար օգտագործելով դրանք, Հովհ. Պետրոսյանն իր «Հայ պարբերական մամուլի բիրտոգրաֆիա»-ում համարյա նույնությամբ կրրկնել է դրանցում տեղ գտած սխալները: Ե. Շահլամյանի վերջերս հրատարակած նոր ցուցակը՝ «Եգիպտահայ մամուլը 100 տարում»⁴, չէր կարող իր նախորդների թերություններից զերծ լինել, քանի որ այն մեծ մասամբ կազմված է Հովհ. Պետրոսյանի տվյալներով: Բավական է նշել, որ նրա ցուցակի 96 անուններից 72-ը բերված են վերջինիս «Բիրտոգրաֆիա»-ից, հաճախ նույնությամբ, երբեմն էլ անհարկի կրճատումներով և անձիշտ լրացումներով:

1 «Բաղմավես», 1907, էջ 73—77:

2 «Եգիպտահայ տարեցույց», 1914, էջ 148—155:

3 «Արև», Կահիրե, 26 մարտի 1932:

4 «Պատմա-բանասիրական հանդես», 1966, № 1, էջ 296—300: Բացի գրանցից մի ցուցակ վերատարակել է Հարություն Մանավյանը, բայց այն չի կարող ուշագրության արժանանալ, քանի որ արտագրված է Վահան Զարդարյանի ցուցակից («Սարկավագին Եգիպտահայ տարեցույցը», 1933, էջ 36—38):

Ստորև մի շարք ուղղումներ և լրացումներ ենք անում վերոհիշյալ ցուցակներում հիշատակված այն պարբերականների կապակցությամբ, որոնք անձամբ տեսել ենք, և նրանց հրատարակչական ցուցանիշները՝ վերնագիր, ենթավերնագիր, տարեթիվ, խմբագիր, արտոնատեր, տպարան, ծավալ և այլն, ուղղակի վերցրել ենք համապատասխան խմբագրության կատարած նշումներից: Ուղղումներ և լրացումներ կատարել ենք նաև մի ուրիշ խումբ պարբերականների հետ կապված հարցերում, օգտագործելով նրանց ժամանակակից մամուլի հաղորդումները, ինչպես նաև արխիվային վավերագրերում պահպանված տվյալներ, որոնց հավաստիությունը, մեր կարծիքով, չի կարող կասկածի ենթարկվել: Վերջում ներկայացնում ենք մի շարք պարբերականներ, որոնք դուրս են մնացել Ե. Շահլամյանի ցուցակից:

Ամսավեճի: Լրագիր կիսամյա քաղաքական, ազգային և բանասիրական: Կահիրե, 1865 թ.: Խմբագիր՝ Արրահամ Մուրատյան, արտոնատեր՝ Հովսեփ Մանուկյան: Մ. Պոտուրյանը Մուրատյանին համարում է եգիպտահայ անդրանիկ պարբերականի «հիմնագիրն ու խմբագիրը»⁵, իսկ Վ. Պալյանը նրա «տեր-տնօրեն-խմբագիրը»⁶: Երազահայտ չափազանցություն է: «Ամսավեճի»-ի իսկական հիմնագիրը և տերը եգիպտահայոց առաջնորդական տեղապահ Մրկրտիչ Քեֆսիզյանն էր և նրա «տնօրինությունը» հանձնված էր Կահիրեի Խորենյան ազգային դպրոցի հոգաբարձությանը⁶, որի ատենապետ

5 Աստղանիշ կրող պարբերականները տեսել ենք, իսկ մյուսների համար ցույց ենք տալիս աղբյուրը, որտեղից տեղեկանք ենք վերցրել:

6 «Արշալույս Արարատյան», 17 ապրիլի 1865: Այդ լրագրում ասված է. «Այս լրագրույն հիմնադրությունը Եգիպտոսի առաջնորդական փոխանորդ գեր. տեր Մկրտիչ արքեպիսկոպոսին ազգասիրական ջանից ու հորդորանաց արդյունքն է: Ն. ս. կարգագրության համեմատ «Ամսավեճի» տնօրենությունը Կահիրեի դպրոցի մեծարգո հոգաբարձությանը հանձնվել է, և անոր խմբագիր կարգվել է հարգո Ա. Մուրատյանը» (նույն տեղում):

Հ. Մանուկյանը ստորագրում էր լրագրի համարները: Իսկ Մուրատյանը, որը միաժամանակ խորենյան դպրոցի տնօրենն էր, այդ հոգարար-ձուլյան պաշտոնյայի հանգամանքով խմբագրում էր լրագիրը: Ոչգրոված չէ նաև, թե «Արմավենի»-ն քանի՞ համար է լույս բնծայվել: Պոտուրյանը, որը տեսել է նրա առաջին երկու թիվերը», գրում է. «Այլևս չեմքցավ նա»: Իսկ Վ. Պալյանը և, ակներևորեն սրանից վերցնելով, Ա. Ալպոյաջյանը նշում են, որ «Արմավենի»-ն տեսել է «քանի մո ամիս»⁷: 1898 թվականի արխիվային մի վավերագրում պարզ ասված է, որ այդ լրագիրը հրատարակվել է ընդամենը «երեք» համար առաջինը՝ 1865 թ. մարտի 16-ին, երկրորդը՝ ապրիլի 1-ին, երրորդ և վերջինը՝ ապրիլի 16-ին: Խոսելով «Արմավենի»-ի դադարելու մասին, Ա. Ալպոյաջյանը որպես պատճառ առաջ է քաշում Մուրատյանի առողջական վիճակը, իսկ Վ. Զարգարյանը՝ խոլերայի համաճարակը: Դրանք, իհարկե, չեն համապատասխանում իրականությանը: Ժամանակակից մամուլի հաղորդումներից երևում է, որ 1865 թ. մարտ-ապրիլ ամիսներին, այսինքն լրագրի հանդես գալու ժամանակաշրջանում, իրենց բարձրակետին էին հասել ժողովրդական ելույթները՝ Քեֆսիզյանի և հակասահմանադրական ջոջերի դեմ, ելույթներ՝ որոնք հանգեցրին «Եֆսիզյանի «զանակոծման» և մի շարք «խրոտվարներու» բանտարկությանը: Սգիպտահայ ջոջերի և հատկապես նուրար փաշայի ստիպումով Քեֆսիզյանը հեռացավ Սգիպտոսից¹⁰: Սյդ պայմաններում, իհարկե, նրա «ձեռնտվության» ստեղծված լրագիրը չեր կարող շարունակել իր գոյությունը:

Նեղոս: Շարաթաթերթ, Ալեքսանդրիա, 1889 թ.: Խմբագրական մարմին՝ Անտոն Ռշտունի, Ղևոնդ ք. Փափազյան և Վահան Մամասյան: Վ. Պալյանի ասելով «Նեղոս»-ը լույս է տեսել 1887 թ., իսկ Ե. Շահյամյանը («սրբագրելով» Պետրոսյանին) նշում է 1888—1889 թթ.: Այդ թվականները ճիշտ չեն: Սխալվում են նաև Վ. Զարգարյանը և Ա. Ալպոյաջյանը, երբ գրում են, որ այդ շարաթաթերթը լույս է տեսել «միայն հինգ թիվ»¹¹: Այդ հեղինակներն այնքան անքննադատ են վարվել, որ մինչև անգամ

չեն նկատել, որ իրենցից առաջ ուրիշ հեղինակներ անդրադարձել են այդ հարցերին և տվել ճիշտ պատասխան: Ընդգծելով, որ ինքը տեսել է «Նեղոս»-ի առաջին վեց համարները, Մ. Պոտուրյանը հավաստում է, որ նրա առաջին համարը լույս է բնծայվել 1889 թ. հունվարի 2-ին (նոր տոմարով): Նույնը հաստատում է նաև Գ. Հևոնյանը և ավելացնում, որ «Նեղոս»-ը ունեցել է «չորս ամիս կյանք»¹²: Պոտուրյանի և Հևոնյանի օգտին է խոսում 1898 թվականի արխիվային մի վավերագիր, որտեղ ասված է, որ «Նեղոս»-ը լույս է տեսել «ընդամենը 18» համար¹³: «Նեղոս»-ը հրատարակվել է սկսել 1889 թ. հունվարի սկզբին և անխափան շարունակվել մինչև այդ թվականի ապրիլի վերջերը, մինչև Անտոն Ռշտունու բանտարկվելը¹⁴: Մի ուրիշ բավական լուրջ սխալ թույլ է տվել Ե. Հևոնյանը: Նա, չգիտես ինչից ելնելով, Անտոն Ռշտունուն և Ղևոնդ ք. Փափազյանին համարում է միևնույն անձը. («Անտոն Ռշտունին, որ նույն է Ղևոնդ քչնյ. Փափազյան» կամ՝ «Սգիպտոսից Կալաց փոխադրվելով «Նեղոսի» խմբագիր Անտոն Ռշտունին կամ Ղևոնդ քչնյ. Փափազյանը...»)¹⁵: Դա, իհարկե, ճիշտ չէ: Մինչ Ղ. ք. Փափազյանը Սգիպտոսից արտաքսվեց, Ռշտունին մնաց այնտեղ, բանտից դուրս գալով շարունակեց պայքարել ազգային ջոջերի դեմ: Նրա մասին բաղմամբով հաղորդումներ կան մինչև առաջին համաշխարհային պատերազմը: Սգիպտոսում լույս տեսած հայկական մամուլի էջերում, նրան հանդիպում ենք Սրվանդ Օտյանի և Վահան Թեքեյանի գլխավորած

¹² Ե. Հևոնյան, Հայ պարբերական մամուլը, էջ 524:

¹³ ԳԱԽ արխիվ, Ֆ. Թ. Ազատյան, Բ. 12, վ. 9432:

¹⁴ Սգիպտահայ ջոջերը, որոնք դժգոհ էին «Նեղոս»-ի հակաթուրքական ուղղությունից, արեցին ամեն ինչ այն խափանելու համար: Նրանց պահանջով եգիպտական ոստիկանությունը Ղ. ք. Փափազյանին բռնադատեց Պոլիս մեկնելու, սակայն նրան հաջողվեց Պիրեայում (Լուսնաստան) նավից դուրս գալ և անցնել Կալաց... (Թեոդիկ, Տիպ ու տառ, էջ 143—144): Այդ բանից հետո ժողովուրդը բողոքի ցույց կազմակերպեց ազգային ջոջերի դեմ և պահանջեց թեմակալ առաջնորդ Իզմիրլյանի հրաժարականը: Ցույցի պարագլուխները, այդ թվում Անտոն Ռշտունին, ձերբակալվեցին, դատվեցին և բանտարկվեցին («Արմենիա», 27 ապրիլի 1889):

¹⁵ Գ. Հևոնյան, Հայ դիրքը և տպագրական արվեստը, էջ 242:

⁷ Ա. Ալպոյաջյան, ԱՄՀ-ի Սգիպտոսի նահանգը և հայերը, էջ 295:

⁸ ԳԱԽ արխիվ, Ֆ. Թ. Ազատյան, Բ. 12, վ. 9432:

⁹ «Արշալույս Արարատյան», 20 մարտի 1865:

¹⁰ Նույն տեղում, 11 դեկտեմբերի 1865:

¹¹ Ա. Ալպոյաջյան, նշվ. աշխ., էջ 274:

սահմանադրական պայքարի աշխույժ մասնակիցների շարքերում¹⁶։ «Նեղոս»-ը շարվում էր Ղ. ք. Փափազյանի տառերով և տպագրվում Միգրահի տպարանում։

* Փարոս¹⁷։ Լրագիր ազգային, գրական և քաղաքական։ Կահիրե, «Փարոս»-ը ունեցել է երկու շրջան, առաջինը՝ 1897—1898 թթ., երկրորդը՝ 1901—1902 թթ.։ Տնօրեն-խմբագիր՝ Հարություն Ալիիար, Մավալը՝ 4 էջ (50×33 սմ.)։ Ակնհերձորեն, Հովհ. Պետրոսյանը Պալյանի ցուցակից, իսկ Գ. Շահամյանը՝ Պետրոսյանի «Բիրլիոգրաֆիա»-ից վերցնելով նշում են, որ «Փարոս»-ի առաջին շրջանը սկսվել է 1896 թ. և վերջացել 1898 թ., մի րան, որ սխալ է։ «Փարոս»-ի առաջին շրջանի առաջին համարը լույս է տեսել 1897 թ. մայիսի 21-ին, իսկ վերջինը՝ 1898 թ. մայիսի 25-ին։ Կահիրեից Պոլիս գրված 1898 թ. մայիսի 26-ի թվակիր մի նամակում ասված է. «Երեկ լրագրի («Փարոս»-ի)՝ Հ. Խ.) վերջին թիվն լույս տեսավ, որով ա. տարին կվերջանա. մտադիր չեն ր. շրջանն հրատարակել զի վնասով կելնե եզեր ընդամենը 178 բաժանորդ ունենալուն համար»¹⁸, Մի ուրիշ նամակում (28 հունիսի 1898) կարդում ենք. «...Լրագիրն հավետ խափանված է, վերջին թիվն էր 101 կիսաթերթն, և տպարանն այլում 20 ոսկու ծախված...»¹⁹։ «Փարոս»-ի երկրորդ շրջանը սկսվում է 1901 թ. սեպտեմբերի 19-ից և շարունակվում մինչև 1902 թ. կեսերը։ Կահիրեի «Արշալույս» լրագրի № 291-ում (1902 թ. հունիս) «Փարոս»-ը հիշատակված է լույս տեսնող պարբերականների թվում։ Նրա տնօրեն-խմբագիրը նորից Հ. Ալիիարն էր, որը ավելի քան երկամյա բացակայությունից հետո վերադարձել էր Եգիպտոս։ Վ. Պալյանը «Փարոս»-ը համարում է երկօրյա, իսկ Մ. Պետրոսյանը, Հովհ. Պետրոսյանը և ուրիշներ՝ եռօրյա լրագիր։ Իրականում «Փարոս»-ը առաջին շրջանում եղել է եռօրյա, լույս է տեսել չորեքշաբթի և շաբաթ օրերը, իսկ երկրորդ շրջանում՝ երկօրյա, լույս է տեսել երեքշաբթի, հինգշաբթի և շաբաթ օրերը։ Առաջին շրջանում «Փարոս»-ը շարվում էր սեփական տառերով և տպագրվում ուրիշի տպարանում։ Ոչինչ հայտնի չէ նրա երկրորդ շրջանի տպարանական պայմանների մասին։

¹⁶ «Ազատ խոսք», 1906, տետր 6, էջ 87։

¹⁷ Տեսնել ենք միայն «Փարոս»-ի առանձին համարներ։

¹⁸ ԳԱԹ արխիվ, Ֆ. Խ. Ազատյան, ր. 12, վ. 9441։

¹⁹ Նույն տեղում, վ. 9444։

Լրագրեր։ Ամենօրյա լրագիր (խմորատիպ), Ալեքսանդրիա, 1897—1908 թթ.։ Խմբագիր՝ Գրիգոր Սարաֆյան։ Այս լրագրի տարեթվերի մասին կան իրարամերժ տեղեկություններ, Մ. Պետրոսյանը նշում է, որ այդ լրագիրը «կարճատև կյանք մը» ունեցել է, բայց ոչինչ չի ասում նրա հիմնադրման և դադարման թվականների մասին, Հովհ. Պետրոսյանը չգիտես ինչ հիման վրա դրում է, որ այդ լրագիրը սկզբնավորվել է 1901 թ.։ Մեր կարծիքով ընդունելի պետք է համարել «Հանդես ամսօրյա»-ի հաղորդումը, որտեղ խոսվում է «Լրարեր»-ի 1897 թ. հիմնադրվելու մասին²⁰։ Նույն թվականն է առաջարկում նաև Վ. Պալյանը։ Ուրախ կյանք է ունեցել այդ լրագիրը։ Այդ հարցին Վ. Պալյանը պատասխանում է՝ «բավական երկար ժամանակ»։ Համենայն դեպս կան անժխտելի փաստեր, որոնք ցույց են տալիս, որ «Լրարեր»-ը շարունակում էր լույս տեսնել 1903 թ.²¹, ինչպես նաև 1906 թ.²², դադարել է հավանաբար 1908 թ.։

* Փյունիկ։ Ազգային, գրական և քաղաքական հանդես։ Խմբագիր՝ Սմբատ Բյուրատ (Տեր-Ղազարենց), արտոնատեր՝ Ժյուլ Մյունիե²³։ «Փյունիկ»-ը ունեցել է երկու շրջան, առաջինը՝ 1899 թ. Կահիրեում, երկրորդը՝ 1901—1903 թթ. Ալեքսանդրիայում։ Համարյա բոլոր ցուցակներում նշված է, որ «Փյունիկ»-ի առաջին շրջանը տևել է 1899—1900 թթ.։ Դա, իհարկե, հիշատակելու էր առաջին համարում են կիսամյա, ուրիշները՝ շաբաթաթերթ և այլն։ Առաջին շրջանում՝ 1899 թ. ապրիլի 1-ից մինչև նույն թվականի հոկտեմբերը ներառյալ «Փյունիկ»-ը եղել է կիսամյա հանդես, լույս է տեսել ընդամենը 14 համար, ծավալը՝ 16 էջ (28×20 սմ.)։ Առաջին երկու համարները տպագրվել են Ս. Դարրինյանի, իսկ մնացյալները՝ Մետիկյանի տպարանում։ Որ իրոք «Փյունիկ»-ը 1899 թ. նոյեմբերի սկզբին դադարել է, այդ մասին վկայում է ինքը՝ Սմբատ Բյուրատը, մամուլում զետեղած հատուկ հայտարարությամբ, որտեղ ասված է. «Փյունիկ»-ը դադարած է անցյալ նոյեմբերի սկիզբին... Մետիկ-

²⁰ «Հանդես ամսօրյա», 1903, էջ 224։

²¹ Պետրոսյանը եգիպտահայ «Փեթակ» շաբաթաթերթի 1903 թ. 2-րդ համարում տեսնել է տեղեկանք այդ թվականին «Լրարեր»-ի լույս ընծայվելու մասին։

²² Ն ր վ ա ն զ Օ տ յ ա ն, Երկերի ժողովածու, հատ. 4, էջ 372։

²³ Եգիպտոսում ապրող ֆրանսիացի հայասեր մտավորական, որը տարիներ շարունակ գործակցել է Սմբատ Բյուրատի հետ։

յան տպարանի հանկարծակի փակումով²⁴, իրկրորդ շրջանում՝ 1901 թ. հունիսի 8-ից մինչև 1903 թ. հուլիսը, «Փյունիկ»-ը վերահրատարակվում է Ալեքսանդրիայում, նախ որպես շաբաթաթերթ, ապա՝ եռօրյա և վերջում՝ օրաթերթ։ Այս շրջանում «Փյունիկ»-ը տպագրվում էր նախ «Արաբս», ապա «Սիսվան» տպարանում։

• Արշալույս։ Ազգային, գրական և քաղաքական անկախ հայաթերթ։ Կահիրե։ Ըստ Վ. Պալյանի «Արշալույս»-ը շաբաթաթերթ է, իսկ Հովհ. Պետրոսյանի և ուրիշների համար այն պարզապես լրագիր է։ Առաջին շրջանում 1899 թ. օգոստոսից մինչև 1905 թ. ապրիլը «Արշալույս»-ը եղել է եռօրյա լրագիր, երկրորդ շրջանում՝ 1908 թ. հունվարի 1-ից մինչև 1914 թ. սկիզբը՝ շաբաթաթերթ, իսկ 1905—1907 թթ. լույս չի տեսել, ինչպես նշում է լրագրի խմբագրությունը²⁵։ Դ. Շահամյանի կարծիքով այդ երկու շրջանները սահմանազատված են այսպես. «1899—1905 և 1901—1914»։ Նա այն աստիճան անքննադատարար է կրկնել Հովհ. Պետրոսյանին, որ մինչև անգամ չի նկատել նրա տարբերվելու սպրդած վրիպակը, որի հետևանքով 1908-ը վերածվել է 1901-ի Վ. Պալյանը Սղիշե Թորոսյանին համարում է «Արշալույս» լրագրի «հիմնադիր-տնօրեն-խմբագիրը»։ Իսկ Հովհ. Պետրոսյանի ասելով «Արշալույս»-ը ունեցել է երկու խմբագիր՝ Էդ. Թորոսյանը և Գեորգ Փափազյանը։ Սկզբնական շրջանում Թորոսյանը լրագրի տեր և տնօրենն էր, իսկ հետագայում, երբ թերթը դարձավ Ազգային անկախ միություն օրգանը, հանդես եկավ որպես խմբագրության ներկայացուցիչ²⁶։ Գեորգ Փափազյանը եղել է ոչ թե խմբագիր, այլ «վարչական» գործերի պատասխանատու²⁷։ 1911 թ. նրան այդ պաշտոնում փոխարինել է Շահեն Հաճեթյանը։ «Արշալույս»-ը սկզբում տպագրվում էր Ս. Դարբինյանի, հետագայում՝ սեփական համանուն տպարանում։ 1900 թ. ապրիլի 16-ի թվակիր արխիվային մի վավերագրում ասված է, «[Թորոսյանը] վերջապես հաջողեցավ ժողովրդական [հանգանակությունը—Հ. Թ.] տպարան մի հիմնել²⁸։ Ծավալը եղել է 4 էջ, բայց նրա էջերի ափսոսքը հաճախ փոխվել են։

Նոր օր։ Լրագիր Թիֆլիսի, բանասիրական և քաղաքական։ Կահիրե։ խմբագիր՝ Սմբատ Բյուրատ, ապա Սմբատ Փափազյան, արտոնատեր՝ Ժյուլ Մյունին։ Վ. Պալյանը և Վ. Զարդարյանը այն համարում են երկօրյա, իսկ Հովհ. Պետրոսյանը և ուրիշները բավականանում են պարզապես այն լրագիր անվանելով։ Իրականում «Նոր օր»-ը եղել է եռօրյա լրագիր, լույս էր տեսնում «շաբաթն երկու անգամ»²⁹։ Մ. Պետրոսյանն էլ, որը տեսել է «Նոր օր»-ի առանձին համարներ, այն անվանում է «կեսաշաբաթաթերթ»։ Երբ է հիմնադրվել «Նոր օր»-ը, այդ հարցին Պետրոսյանը պատասխանում է. «1900-ի հունիսին»։ Այդ անհիմն տեղեկությունն էլ ցուցակից ցուցակ անցնելով հասել է մինչև մեզ։ Եթե Պետրոսյանի հաստատումը ճիշտ լիներ, ապա Սմբատ Բյուրատը չեր կարող «Նոր օր»-ի առաջին շրջանի խմբագիրը լինել (այն, ինչ հաստատ էլ), քանի որ նա 1900 թ. սկզբներից այլևս Կահիրեում չէր. «Յուր կույր կնոջ և երկու տղաքներուն հետ Բորթ-Սաիդ փախավ, ուրկն Կիպրոս պիտի անցներ, բայց Աղեքսանդրիա ելեր է»³⁰։ Նրկրորդ՝ հիշյալ վավերագրում «Նոր օր»-ի մասին ասված է. «Ցարդ (մինչև 1900 թ. ապրիլի 16-ը—Հ. Թ.) 60 թիվ լույս տեսած է»³¹։ Եթե «Նոր օր» եռօրյա լրագիրը առանց հապաղումների լույս ընծայվեր, ապա պետք է հիմնադրված լիներ 1899 թ. սեպտեմբերին, բայց այդպես չի եղել, նրա առաջին տարեշրջանը փակվել է 104-ի փոխարեն 95 համարով։ Ուստի կարող ենք հետևել, որ այն հիմնադրվել է այդ թվականի նոյեմբերին, այսինքն «Փյունիկ»-ի դադարումից անմիջապես հետո։ Այդպիսով հասկանալի է դառնում նաև այն, որ Ս. Բյուրատը և Ժ. Մյունին (դադարած «Փյունիկ»-ի խմբագիրն ու արտոնատերը) ձեռնամուխ են լինում «Նոր օր»-ի հրատարակությանը։ «Նոր օր»-ը սկզբում տպագրվում էր Ս. Դարբինյանի, ապա՝ Թորգոմ Փափազյանի տպարանում։ «Նոր օր»-ը կազմում էր Կահիրեի լսարան-ընթերցարանի իրավական սեփականությունը, այն զոհ գնաց այդ հաստատության ներքին տարածայնություններին, փակվեց 1901 թ. կեսերին։

• Ազատ խոսք։ Պարբերաթերթ։ խմբագիր՝ Երվանդ Օտյան։ Այս պարբերականը համարյա բոլոր ցուցակներում ներկայացված է ոչինչ չասող տվյալներով, չնայած որ այն նշանակալից տեղ է զբաղում եգիպտահայ պարբերական մամուլի պատմության մեջ։ Հովհ. Պետրոսյանը և

²⁴ «Արշալույս», Կահիրե, 30 դեկտեմբերի 1899։

²⁵ Նույն տեղում, 4 հունվարի 1910։

²⁶ Նույն տեղում։

²⁷ Նույն տեղում։

²⁸ ԳԱԹ արխիվ, Ֆ. Թ. Աղատյան, ր. 12, վ. 29483։

²⁹ Նույն տեղում։

³⁰ Նույն տեղում։

³¹ Նույն տեղում։

արան հետևելով Դ. Շահլամյանը «Ազատ խոսք»-ը համարում են «ամսագիր», մինչդեռ այն այդպիսին չի եղել, հրատարակվել է մերթ րնդ մերթ... դիպվածային մեկնասաներու օժանդակությամբ, ինչպես վկայում է նրվ. Օտյանը³², «Ազատ խոսք»-ը հիմնադրվել է 1901 թ. օգոստոսին Փարիզում, որտեղ և լույս են տեսել նրա առաջին երեք տետրերը, յուրաքանչյուրը 16 էջ (12×19 սմ.), Տպարան՝ «Հայկական» 1902 թ. սեպտեմբերին «Ազատ խոսք»-ը տեղափոխվել է Ալեքսանդրիա, տպագրվել է սկզբում «Արաքս» (Արամ Ստեփանյան), ապա «Գամբետա» տպարանում 1902 թ. լույս են տեսել նրա 5—9 տետրերը, 1903 թ.՝ 10-րդը, 1906 թ.՝ 11—13-րդը, որով և փակվել է նրա հին շրջանը։ Նույն շրջանում «Ազատ խոսք»-ը վերածվել է երդիծական շաբաթաթերթի, նախկին ծավալով 1906 թ. լույս են տեսել նրա առաջին և երկրորդ հատորները, առաջինում ընդգրկված են 1—20, երկրորդում՝ 21—32 տետրերը, 1907 թ. լույս է տեսել նրա երրորդ հատորը (33—39 տետրերը)։ Այնուհետև «Ազատ խոսք»-ի հրատարակությունը կազում է, դժվարությամբ լույս է բնծայվում նրա չորրորդ հատորը 1908 թ. հրատարակվում են նրա վերջին երեք տետրերը։ Նոր շրջանի բոլոր տետրերը տպագրված են Դ. Նազարեթյանի տպարանում։

* Արտևմիս։ Ամսահանդես ընտանեկան և գրական։ Օրգան քսաներորդ դարի հայ կանանց։ Կահիրե, 1902—1903 թթ.։ Հիմնադիր, տեր և տնօրեն-խմբագիր՝ Մառի Պեյլերյան։ Տպագրվում էր սեփական համանուն տպարանում։ Ծավալը՝ 32, երբեմն էլ 48 էջ [26×17 սմ.]։ Հովհ. Պետրոսյանը Մառի Պեյլերյանին շփոթել է ֆրանսահայ գրող Մարի Սվաճյանի հետ, նրան վերագրել վերջինիս ստեղծագործությունները և... Փարիզ տեղափոխել «Արտեմիս»-ը։

* Ժողովուրդ։ Ամսաթերթ ընկասիրական։ Կահիրե, 1903—1904 թթ.։ Առաջին տարեշրջանում՝ 1903 թ. հունվարից մինչև դեկտեմբեր լույս է տեսել 12 համար, ծավալը՝ 16, երբեմն էլ 20 էջ [26×17 սմ.]։ 1904 թ. հունվարից «Ժողովուրդ»-ը վերածվել է շաբաթաթերթի, լույս է տեսել 22 համար, նախկին ծավալով։ Առաջին տարեշրջանի խմբագիր՝ Ա. Պալյան, երկրորդինը՝ Վ. Պալյան։ Առաջին շորս համարները տպագրվել են Ալեքսանդրիայի «Արաքս», իսկ մնացյալները՝ Կահիրեի «Արարատ» տպարանում։

³² Նրվան 0 տյան, Երկերի ժողովածու, հատ. 4, էջ 371։

* Ազատ բեմ։ Գրական, ազգային և քաղաքական շաբաթաթերթ, որը հիմնադրվել է 1903 թ. ապրիլի 18-ին Ալեքսանդրիայում։ Խմբագիր տնօրեն՝ Նրվ. Օտյան, խմբագրությանը մասնակցել են նաև Վահան Տիտանյանը [Թեքեյանը], Մ. Կյուրջյանը, Լևոն Արամյանը և ուրիշներ։ Տպարան՝ «Արաքս»։ Ծավալը՝ 4 էջ [47×32 սմ.], իսկ երրորդ տարվա 34-րդ համարից՝ 1905 թ. դեկտեմբերի 9-ից, մեծացրած չափսերով։ 1906 թ. ապրիլի 21-ին «Ազատ բեմ»-ը փոխանցվում է Վերակազմյալ հնչակյաններին (Բարսեղ Օհանյան, Օննիկ Թաշչյան և Լևոն Լարենց), որոնք այն տեղափոխում են Կահիրե և վերածում եռօրյա լրագրի։ Տպարան՝ «Կիլիկիա»։ Դադարել է 1907 թ.։

Լուսարեւ։ Ազգային, քաղաքական, տնտեսական և գրական եռօրյա լրագիր։ Կահիրե, 1904—1908 թթ.։ Խմբագիր՝ Վահան Քյուրբջյան, շուրջ մի տարի էլ Արփիար Արփիարյանը։ Առաջին համարը լույս է տեսել 1904 թ. դեկտեմբերի 1-ին։ Ծավալը՝ 4 էջ (50×30 սմ.)։ Տպագրվում էր սեփական տպարանում։

* Ուեբե։ Շաբաթաթերթ, Ալեքսանդրիա, 1905 թ.։ Խմբագրական մարմին՝ Նրվ. Օտյան, Վահան Տիտանյան (Թեքեյան) և Միհրան Տամատյան։ «Օրենք»-ը լույս է տեսել ընդամենը 13 համար, ծավալը՝ 4 էջ (29×23 սմ.)։ Տպագրվում էր «Վահան Թեքեյան և ընկ.» տպարանում։ Բաժանվում էր ձրի։ Վահան Զարդարյանը «Օրենք»-ը համարում է «օրենսդրական թերթ մը», մինչդեռ այն այդպիսի թերթում չի ունեցել, եղել է Ազգ. սահմանադրության կողմնակիցների պայքարի օրգանը։

Թերթիկ³³, Օրաթերթ։ Ալեքսանդրիա, 1906 թ.։ Խմբագիր՝ Նրվան 0տյան։ «Թերթիկ»-ի առա-

³³ «Հանդես ամսօրյա», 1907, էջ 127։ «Թերթիկ»-ի մասին Նրվ. Օտյանը գրում է. «Թերթիկ»-ը րեականաբար դրամազուխ չունեւր. հրատարակության հոգը վրան առած էր փորագրիչ տպարանատեր պ. Գր. Նազարեթյան, խմբագրապետը եւ էի, իսկ թերթին վարիչը պ. Նրվանդ Անդրեասյան... Զմոռնամ ըսելու որ մեկ քանի անձներ նյութական օժանդակության մը անորոշ խոստումը ըրին մեզի, այս հրատարակության առաջին քայլերը դյուրացնելու համար։ «Թերթիկ»... անընդհատաբար շարունակվեցավ շորս շաբաթ, բայց տեսանք որ կարելի չէր շարունակել անպատիժ կերպով այս հրատարակությունը, որ մեզ շարաշար հոգնեցնելե զատ կսպառնար նաև ի վերջո պարտքի տակ խեղդել» (Նրվ. Օտյան, Երկերի ժողովածու, հատ. 4, էջ 372—373)։

չին համարը լույս է տեսել հուլիսի 11-ին, իսկ վերջինը՝ օգոստոսի 17-ին, ընդամենը 28 համար: Ծավալը՝ սկզբում 2, ապա 4 «փոքրադիր» էջ: Հրատարակիչ՝ Գ. Նազարեթյան: Տպարան «Արաքս»:

* Արև: Օրաթերթ: Ալեքսանդրիա, 1908 թ., հմբադիր՝ Երվանդ Օտյան, հրատարակիչ՝ Ե. Նազարեթյան: Ծավալը՝ 4 էջ [50X<< սմ.], Հովհ. Պետրոսյանի, Գ. Շահումյանի և ուրիշների ասելով «Արև»-ը հիմնադրվել է 1907 թ., մինչդեռ նրա առաջին համարը լույս է տեսել 1908 թ. մայիսի 11-ին և շարունակվել մինչև նույն թվականի հուլիսի վերջը՝ կամ օգոստոսի սկիզբը: «Արև»-ը իր 22-րդ համարից փոխանցվել է «Եղիպտոսի հայոց հրատարակչական ընկերությանը», իսկ 91-րդ համարից հետո միացվել է «Հուսարեթին», առաջացնելով մի նոր օրգան՝ «Հուսարեթ-Արև»-ը:

* Հուսարեթ-Արև: Ազգային և քաղաքական երկօրյա լրագիր: Կահիրե, 1908—1913 թթ.: Առաջին շրջանում՝ 1908 թ. մինչև 1912 թ. նոյեմբերը, խմբագիր-արտոնատեր՝ Վահան Քյուրքչյան, զործակցությամբ Հեռ Մկրտչյանի: Երկրորդ շրջանում՝ մինչև 1913 թ. սկզբները, խմբագիր՝ Սուրեն Պարթևյան, տեր և տնօրեն՝ Արմենակ Մեռթեմեալյան: Ծավալը՝ 4 էջ (50X34 սմ.): «Հուսարեթ-Արև»-ը տպագրվում էր սեփական տպարանում: 1913 թ. մարտին լույս է տեսել այդ լրագրի վերջին (42-րդ) համարը, «Հուսարեթ»-ը և «Արև»-ը բաժանվել են: Մինչ առաջինը «Հուսարեթ» վերանվանվելով շարունակել է հրատարակվել, երկրորդը՝ ժամանակավորապես դադարել է: Համարյա բոլոր ցուցակներում այդ լրագրերի միացման և բաժանման տարեթվերի վերաբերյալ տեղ են գտել անճշտություններ: Հովհ. Պետրոսյանը և ուրիշներ նրանց բաժանումը, ինչպես նաև «Հուսարեթ» սկզբնավորումը դնում են 1912 թ. վերջերին: Բացի այդ, Պետրոսյանը սխալվում է նաև, երբ «Հուսարեթ-Արև»-ը համարում է «Իսաակցության թերթը»: Հանրահայտ իրողություն է, որ Վ. Քյուրքչյանը և Հ. Մկրտչյանը եղել են հակադաշնակցական մտավորականներ:

Հուսարեթ: Նախ երկօրյա, ապա ազգային, քաղաքական, տնտեսական և գրական օրաթերթ: Կահիրե: 1915 թ. մարտի 1-ին «Հուսարեթ»-ը, փոխանցվելով դաշնակցական Ավետիք Հալալյանի (Մանթաշյան Նավթյան հիմնարկության Կահիրեի տնօրենը), վերածվել է դաշնակցության «անսպաշտոն» օրգանի և որպես այդպիսին հրատարակվել է մինչև 1922 թ. վերջերը: 1923 թ. մինչև այսօր «Հուսարեթ»-ը այդ կուսակցության «սպաշտոնական» օրգանն է: 1915—1917 թթ.

«Հուսարեթ»-ը հրատարակվում էր Արտավազդ Հանրմյանի, իսկ 1917—1922 թթ.՝ Ստեփան Եսայանի կողմից: Տարբեր ժամանակներում «Հուսարեթ»-ը խմբագրել են Վ. Նավասարդյանը, Հ. Նազարյանցը, Գ. Մխիթարյանը, Գ. Հալալյանը, Բ. Թաշյանը և ուրիշներ: Արտոնատեր՝ սկզբում Հ. Ամիրյան, 1928 թ. կեսերից՝ Օ. Մահառյան: Մինչև 1926 թ. «Հուսարեթ»-ը եղել է երկօրյա լրագիր, ծավալը՝ 4 էջ (50X33 սմ. 57X41 սմ.): 1926 թ. ապրիլի 1-ից մինչև այսօր «Հուսարեթ»-ը օրաթերթ է, սկզբում փոքրածավալ, իսկ հետագայում մեծածավալ (62X45 սմ.): Տպագրվում է սեփական համանուն տպարանում:

* Արև: Երկօրյա լրագիր («Ազգային շահերու պաշտպան օրգան»): Ալեքսանդրիա: Առաջին համարը (վերահրատարակության) լույս է տեսել 1915 թ. մայիսի 11-ին: 1922 թ. դեկտեմբերի 11-ից ազգային, գրական և քաղաքական օրաթերթ («Պաշտոնաթերթ Ռամկավար ազատական կուսակցության Եղիպտոսի շրջանակին»): 1924 թ. օգոստոսի 9-ից տեղափոխվել է Կահիրե, որտեղ և հրատարակվում է մինչև այսօր: Խմբագիր՝ Վահան Թեքեյան, ապա՝ Միքայել Կյուրչյան, հետագայում Հովհ. Պետրոսյան և ուրիշներ: Արտոնատեր՝ Հեռ Մկրտչյան, 1923 թ.՝ Հակոբ Փափազյան, 1924 թվականից՝ Տիգրան Հաճընյան և ուրիշներ: Ծավալը՝ 4 էջ (58X45 սմ, 60X45 սմ.): Տպագրվում է սեփական համանուն տպարանում:

* Եղիպտահայ տարեցույց: Վ. Զարդարյանի և Գ. Շահումյանի ցուցակներում տարբեր զույգների տակ են գետեղված Սուրեն Պարթևյանի, Մարտիրոս Ոսկյանի և Հեռ Աճեմյանի «Եղիպտահայ տարեցույցներ»-ը, մինչդեռ դրանք հանդիսանում են մեկը մյուսի շարունակություն: Ոսկյանը գրում է. «Դիմեցինք «Եղիպտահայ տարեցույց»-ի հարգելի հեղինակին անոր թույլտվությունն ստանալու մեր հրատարակելիք համանուն զործին համար, որը պիտի ըլլա իրենին մեկ ուղղակի շարունակություն»³⁴, Ս. Պար-

34 «Եղիպտահայ տարեցույց», 1919, էջ 3, Ոսկյանի դիմումին Ս. Պարթևյանը պատասխանել է հետևյալ դիպուկ երկտողով. «Թույլտվություն կխնդրես ինձնե «Եղիպտահայ տարեցույց» այս տարի որդեգրելու, քանի որ ուրիշ գրադույններ դիս կարգիլեն անով շահագրգռվելն Գիտես արդեն Բե «Տարեցույց» սրբափառ օրքան քիչ մոտիկ հոգեզավակ մը եղած է ինձի, իր ապերախտ խորթ հայրը, որուն համար ճշակտոր եղած, հոգին բերանը եկած է, խեղճը Այս անգամ դուն տիրություն ընել

թվյանն ընդառաջել է նրան: Ոսկյանի Տարե-
դույցը լույս է տեսել 1919 թ. Ալեքսանդրիայում:
Ծավալը՝ 132 էջ (19×13 սմ): Տպարան՝ Արամ
Ստեփանյան: Տարեցույցի առաջին համարը
հրատարակելուց հետո Ոսկյանը զոհվել է Ադա-
նայում: Այնուհետև «Եղիպտահայ տարեցույց»-ի
հրատարակությունը շարունակել է Լևոն Աճեմ-
յանը: Պարթևյանի (1914—1918 թթ.), Ոսկ-
յանի (1919 թ.) և Աճեմյանի (1925—1926 թթ.)
«Տարեցույց»-ները պետք է համարել մեկ, ոչ
թե երեք անուն պարբերական, ինչպես վարվել
են վերոհիշյալ ուսումնասիրողները:

* Հավական սինեմա: Պատկերազարդ երգի-
ծաթերթ, շաբաթական, Կահիրե, 1925—1926 թթ.:
Արտոնատեր՝ Ալ. Սարուխան, խմբագիր՝ Վար-
դան Չաղարյան: Առաջին տարեշրջանը սկսվել է
1925 թ. հունվարի 24-ին և վերջացել դեկտեմ-
բերի 26-ին (N 1—39): Երկրորդ և վերջին
տարեշրջանում ընդամենը լույս է տեսել 11
համար (N 40—50): Ծավալը՝ 8 էջ (32×
24 սմ): Տպագրվում էր նախ «Փարոս», ապա
«Հուսարեր» և վերջում «Արև» տպարանում:

* Հայ դպրոց: Հրատարակություն Հայ ուսուց-
չական միության, Կահիրե: Հիմնադրվել է
1933 թ.: Մինչև 1935 թ. լույս են տեսել առա-
ջին հատորի 10 պրակները: Նմանազան անուն չի
նշված, հավանաբար խմբագրվել է Հայ ուսուց-
չական միության վարչության կողմից: Ծավա-
լը՝ 48 էջ (22×15 սմ): Տպարան՝ «Սահակ-
Մեսրոպ»: Մի քանի տարի դադարելուց հետո
1938 թ. վերստին սկսում է լույս տեսնել մե-
ծացրած ծավալով, 80 էջ (24×16): Տպարան՝
Հ. Փափագյան: Հովհ. Պետրոսյանը և սրան
հետևելով Դ. Շահլամյանը վերահրատարակվող
«Հայ դպրոց»-ը թյուրիմացաբար համարել են
նոր պարբերական և ներկայացրել առանձին
զլխի տակ, մինչդեռ այն հանդիսանում է առա-
ջինի շարունակությունը:

* Ազատ միտք: Շաբաթաթերթ քաղաքական,
գրական, տնտեսական, Կահիրե, 1936—
1937 թթ.: խմբագրապետ՝ Ա. Ալպոյաջյան, ար-
տոնատեր՝ Ս. Հերյան: 11-րդ համարից արտո-
նատեր-խմբագրապետ՝ Ա. Ալպոյաջյան, իսկ
23-րդ համարից խմբագրապետներ՝ Ղ. Սարը-
յան և Ա. Ալպոյաջյան: Շահլամյանի ասելով
«Ազատ միտք»-ը հիմնադրվել է 1935 թ., որը

հիշտ չէ: Ծավալը՝ 8 էջ (40—×27 սմ): Տպա-
րան՝ «Սահակ-Մեսրոպ»:

* Գրասերի առաջնորդ: Հրատարակություն
Մտավորական սպասարկությանց գրասենյակի,
Կահիրե: Լույս է տեսել 1938-ից, տետր առ տետր,
ծավալը՝ 16 էջ (22×15 սմ): Տպարան՝ «Սե-
վան»: Բաժանվում էր ձրի: Ըստ Դ. Շահլամ-
յանի «Գրասերի առաջնորդ»-ի հրատարակիչը
Ա. Ալպոյաջյանն էր: Դուցե: Բայց պարբերակա-
նում այդպիսի նշում չկա:

Երկրակար: Հրատարակություն Կահիրեի հայ
ուսանողական միության: Հրատարակվում էր
պրակ առ պրակ, հիմնականում հայերեն և մա-
սամր ֆրանսերեն: Նմանազան անհայտ է: Ծա-
վալը՝ 16 էջ (22×15 սմ): Տպարան՝ «Սահակ-
Մեսրոպ»: Պրակները թվական չեն կրում: Ամե-
նայն հավանականությամբ լույս է տեսել 1938—
1939 թթ.:

Ջահակիր: Շաբաթաթերթ ավանդապահ,
համադրական և բնաշրջական հառաչողիմու-
թյան քաղաքական, գրական և ընկերային: Կա-
հիրե: Արտոնատեր-խմբագիր՝ Հայկ Ժամկոչ-
յան, գրական-խմբագիր՝ Արշամ Տատրյան:
Առաջին համարը լույս է տեսել 1948 թ. մայիսի
5-ին: Առաջին տարեշրջանը փակվել է 1949 թ.
հուլիսի 18-ին (24 համար), երկրորդ տարե-
շրջանը՝ 1950 թ. նոյեմբերի 20-ին (14 համար):
Մինչև 1954 թ. հունվարի 15-ը լույս են տեսել
ևս 17 համարներ: Ծավալը՝ 8 էջ (45×30 սմ):
Այնուհետև «Ջահակիր»-ը վերածվել է ամսա-
թերթի: Արտոնատերը նույնն է: Պատասխա-
նատու տնօրեն և խմբագիր՝ Հրանդ Տատրյան:
Ծավալը՝ 8 էջ (29×22 սմ): Հրատարակվում էր
զգալի հապաղումներով: «Ջահակիր»-ը սկզբում
տպագրվում էր «Նուպար», ապա «Արդելուհի-
ման» և վերջում՝ «Սահակ-Մեսրոպ» տպարա-
նում: Որոշ դադարից հետո «Ջահակիր»-ը փո-
խանցվեց Սարգիս Պալայանին, որը շարունա-
կում է այն լույս ընծայել փոփոխված ուղղու-
թյամբ:

Արդ, քանի՜ անուն հայ պարբերականներ են
լույս տեսել 1865—1965 թթ. եգիպտոսում: Ե.
Շահլամյանի ասելով իր կազմած ցուցակից
(96 անուն) կարող են միայն առանձին «վրի-
պածներ» լինել, այսինքն հազիվ հարյուր համ-
քիչ ավելի է նրանց թիվը: Դա, իհարկե, ընդու-
նելի չէ: Մեր կարծիքով, եգիպտահայերը լույս
են ընծայել ավելի քան 150, գուցե և շատ ավե-
լի պարբերականներ: Ստորև տալիս ենք Դ. Շա-
հլամյանի ցուցակից դուրս մնացած շուրջ 30 ա-
նուն լրագրերի, հանդեսների, տարեցույցների
և այլ պարբերական հրատարակությունների մի-
լրացուցիչ ցանկ:

Կփորձվիս անոր: Բարի հաջողություն: Կմաղ-
բեմ սրտագին որ ավելի երախտաճանաչ ըլ-
լալու զրական պատճառներ ձևոք բերես իրմե,
առանց զիս բոլորովին մոռցնելու, խոտելի
զարձնելու իրեն» (նույն տեղում):

* Ալլալով: Պատկերագարդ տուրեգիրք: Հրատարակիչ՝ Գրիգոր Գալֆա: Կահիրե, 1932 թ.: Մովալը՝ 22 գեղատիպ էջ (48×33 սմ):

* Ամենուն Գիրք: Կրոնա-բարոյական ժողովածու: Ալեքսանդրիա, 1937 թ.: Լույս էր տեսնում պրակ առ պրակ: Խմբագիրն անհայտ է: Մովալը՝ 16 էջ (22×16 սմ): Տպարան՝ Արամ Ստեփանյան: Առաջին պրակի առաջնորդողում ասված է, որ հրատարակության նպատակն է հայ երիտասարդությանը դաստիարակել քրիստոնեական-ազգային ոգով:

Իսրի լուր: Գիրք հոգեշահ հոգվածներու: Ալեքսանդրիա, 1948—1950 թթ.:

Գրասեր: Կիսամայա հանդես, խմորատիպ: Ալեքսանդրիա, 1904 թ.: Հրատարակություն Գրասիրաց միության: Լույս է տեսել ռանդն-թեռնելի ձեռագիր տպագրության մը 12 համար, հետագայում նաև մի համար տպագիր՝ իրեն ժողովրդային գրական հանդես: Ընդամենը 13 համար: Խմբագիրն անհայտ է:

Գրականի օրացույց: Հրատարակություն ՍԱ-բաբա մատենաշարի: Ալեքսանդրիա, 1941 թ. և հաջորդ տարիներ: Տպարան՝ Արամ Ստեփանյան:

Եզիպտահայ տարեցույց: Ալեքսանդրիա, 1912 թ.: Տպարան՝ ՍԱ-բաբա (Արամ Ստեփանյան):

* Լույս: Պարբերագիրք հոգեշահ հոգվածներու: Կահիրե, 1936 թ.: Կազմեցին Թեոդոր Ե. Տաղյան և Կիրակոս Հ. Թումայան: Նյութերի կեսը հայատառ թուրքերեն: Մովալը՝ 20 էջ (20×14 սմ): Տպարան՝ «Սահակ-Մեսրոպ»:

Խաբույկ: Հրատարակություն Պերպերյան զարդի սաների: Կահիրե, հավանաբար 1930—1931 թթ. (խմորատիպ): Լույս են տեսել № 1—23:

* Հայահամար Եզիպտոսի և Սուդանի: [Տարեգիրք]: Կահիրե, 1939 թ.: Հավաքեց և ղեկավարեց՝ Մ. Լաշչյան: Լույս է տեսել միայն մի համար, ծավալը՝ 195 էջ (15×20 սմ): Տպարան՝ «Սահակ-Մեսրոպ»:

Հայելի: Երգիծաթերթ, Կահիրե, 1915 թ.: Հրատարակիչ-խմբագիրներ Միհրան Տամատյան և Գ. Բազրատունի [Ա. Ամատունի]:

Հայտագիր: Ազգային պարբերագիրք, Կահիրե, հավանաբար 1926—1928 թթ.: Հրատարակիչ-խմբագիր՝ Պաղոսյան նաթանյան: Ըստ Վ. Զարդարյանի «Հայտագիր»-ը լույս է տեսել 45 թիվ:

* Նշույլներ: Գրական հավաքածու: Կահիրե, 1916 թ.: Հրատարակություն Կահիրեի հայ երիտասարդաց միության: Մովալը՝ 32 էջ (14×20 սմ): Տպարան՝ «Ոստան» (Սուկրատ Սարաֆյան և ընկ.):

* Նոյյան աղավնի: Հայ մարդն ու իր մշակույթը, պարբերագիրք: Կահիրե, 1950—1951 թթ.: Հրատարակիչ՝ Արշամ Տատրյան: Լույս են տեսել 1, 2 և 3 համարները: Մովալը՝ 80 էջ (24×17 սմ): Տպարան՝ «Նուպար»:

Ոմանց տարեցույցը հայ զավեշտական տարվա: Ալեքսանդրիա, 1909 թ.: Հեղինակ Երոտ (Երվանդ Օտյան): Մովալը՝ 16 էջ (12×13 սմ):

* Ոսկեմատյան Հ. Բ. Ը. Միության: Պատկերագարդ վեցամյա: Կահիրե, Առաջին հատորը (1906—1913 թթ.) լույս է տեսել 1914 թ., երկրորդ հատորը՝ (1913—1919 թթ.) 1919 թ. և հաջորդաբար: Երկրորդ հատորի ծավալը՝ 71 էջ (16×21 սմ): Տպարան՝ Հ. Բ. Ը. Միության, Կահիրե:

Պիծակ: Զավեշտական շաբաթաթերթ, Կահիրե, 1906 թ.: Խմբագիր՝ Սիսակ Մուրատյան: Ըստ Զարդարյանի լույս է տեսել միայն մեկ համար:

* Զահակիր: Գրական հավաքածու: Խմբագիր՝ Վարդան Գևորգյան: Կահիրե, 1919 թ.: Մովալը՝ 134 էջ (16×24 սմ): Տպարան՝ Գրիգոր Դիհանյան:

* Սարկավազին Եզիպտահայ տարեցույցը: Ալեքսանդրիա, 1928—1951 թթ.: Հրատարակիչ-խմբագիր՝ Հարություն Մանավյան: Հիմնադրվել է 1921 թ. Պոլսում: Մովալը եղել է փոփոխական, երբեմն 118, 150, երբեմն էլ՝ 224 էջ (17×23 սմ): Տպարան՝ Ա. Ստեփանյան:

Վահագն: Զեռագիր թերթ, 1928 թ.: Հավանաբար Ալեքսանդրիայում:

Տեղեկատու պրակ Գալուստյան շրջանավարտից միության, Կահիրե, 1945 թ. և հաջորդ տարիներ: Մովալը՝ 16 էջ (21×14 սմ): Տպարան՝ «Նուպար»:

* Տեղեկատվություն հայ ազգային խորհուրդի Ալեքսանդրիո: Հրատարակություն Եզիպտոսի հայ ազգային խորհրդի: Ալեքսանդրիա, 1946 թ. Լույս են տեսել երկու պրակներ: Մովալը՝ 24 էջ (20×27 սմ): Տպարան՝ Ա. Ստեփանյան:

Եզիպտահայերը ստեղծել են նաև մի շարք հայատառ թուրքերեն, թուրքերեն, անգլերեն և ֆրանսերեն պարբերականներ, որոնք նույնիսկ տեղ չեն գտել Ի. Շահամյանի դուցակում:

Մաման: Հայատառ թուրքերեն լրագիր: Կահիրե, 1898 թ.: Ն. Բասապյանը այն համարում է հայերեն հրատարակություն, մինչդեռ «Մաժակ»-ը եղել է «տաճկարարառ», ինչպես նշված է 1898 թվակիր արխիվային մի վավերագրում³⁶: Երբ է հիմնադրվել «Մաժակ»-ը: Այդ հարցին բավական պարզ պատասխան է տալիս արխիվային մի ուրիշ վավերագիր (1898 մարտի 22 թվակիր), որտեղ ասված է. «...լրագիրն... ցարդ 2 թիվ ելած է»³⁷: Մինչև նույն թվականի մայիսի 26-ը «Մաժակ»-ը լույս էր տեսել 25 համար³⁸: Այդ հաղորդումներից կարող ենք հետևել, որ «Մաժակ»-ը հիմնադրվել է 1898 թ. մարտի կեսերին և եղել է, հավանաբար, եռօրյա լրագիր:

The Egyptian graphic: Կահիրե, 1902 թ.: Խմբագիր՝ Տիրան Քելեկյան, հրատարակիչ՝ Գ. Դալֆայան:

The Cairo Weekly: Կահիրե, 1905 թ.: Խմբագիր՝ Տիրան Քելեկյան, հրատարակիչ՝ Գ. Դալֆայան:

The Sphinx: Կահիրե, 1913 թ.: Խմբագիր՝ Ալեքսանդր Պեդիրջյան:

Politique Morale: Հանդես: Կահիրե, 1867—1868 թթ.: Խմբագիր՝ Շաուկ Անշալյան:

La Justice: Կահիրե, 1908 թ.: Խմբագիր և հրատարակիչ՝ Լևոն Ֆեհմի:

La Caravane: Երգիծական պատկերադարձաբաթերթ, 1938 թ.: Կահիրե: Հրատարակիչ-խմբագիր՝ Այ. Ուարուխան:

Յենի ֆիհր: Թուրքերեն լեզվով ամսագիր: Կահիրե, 1903 կամ 1904 թթ.: Խմբագիր՝ Տիրան Քելեկյան: Բաժանվում էր ձրի:

Հ. ԽՈՓՈՒՉՅԱՆ

ՀԱՅ-ՈՒԿՐԱԻՆԱԿԱՆ ՊԱՏՄԱԿԱՆ ԿԱՊԵՐԻՆ ԵՎԻՐՎԱԾ ԳԻՏԱԿԱՆ ԿՈՆՅԵՐԱՆՍ

Նույնիմանիս լվովում կայացավ հայ-ուկրաինական պատմական կապերին նվիրված գիտական կոնֆերանս, որը կազմակերպել էին Ուկր. ՍՍՀ Լվովի կենտրոնական պետական պատմական տրիբյուլ. Լվովի Ի. Ֆրանկոյի անվան Հեթերո շրտնշանակիր պետական համալսարանի հասարակագիտական ինստիտուտը և Հայկ. ՍՍՀ ԳԱ պատմության ինստիտուտը:

Կոնֆերանսը բացեց Ուկրաինական ՍՍՀ Լվովի կենտրոնական պետական պատմական տրիբյուլի գրեկտոր Ն. Ֆ. Վրադին: Այնուհետև կոնֆերանսի մասնակիցներին ողջունեցին Ուկրաինայի կոմկուսի Լվովի մարզկոմի բաժնի վարիչի տեղակալ Պ. Պ. Պանչենկոն, Լվովի Ի. Ֆրանկոյի անվան համալսարանի հասարակագիտական ինստիտուտի գրեկտոր Մ. Մ. Սլեպոչուկը, Ուկրաինական ՍՍՀ Մինիստրների սովետին առընթեր Արխիվային վարչության բաժնի պետ Լ. Ա. Պրոցենկոն: Կոնֆերանսում ընթերցվեց նաև Հայկ. ՍՍՀ ԳԱ հասարակական գիտությունների բաժանմունքի, պատմության ինստի-

տուտի և երևանի պետական համալսարանի ողջունիչ նամակը:

Կոնֆերանսը քննարկեց նրա զեկուցում և հինգ հաղորդում: «Լվովի պատմաբանների աշխատակցը ուկրաինա-հայկական պատմական կապերի հետազոտման բնագավառում» թեմայով զեկուցեց Լվովի հասարակագիտական ինստիտուտի Ուկրաինայի պատմության բաժնի վարիչ, պատմական գիտությունների դոկտոր Մ. Կ. Իվաչուստան: Բազմաթիվ փաստերով նա ցույց տվեց ուկրաինական մոզովրդի և Ուկրաինայի հայ զաղութների բնակչության դարավոր բարեկամությունը և համատեղ պայքարը սոցիալական ու ազգային ճնշման դեմ: Այս զեկուցողը նշեց, որ Ուկրաինայի պատմաբանները հատուկ ուշադրություն են դարձնում հայ-ուկրաինական պատմական կապերի հետազոտմանը, այդ գործում բնագրկելով շեքհայի և փորձված գիտնականներին (Ուկր. ՍՍՀ ԳԱ ակադեմիկոս Ի. Պ. Կրիվյակիչ, գիտաշխատողներ Յա. Գ. Բաակիչ, Վ. Վ. Գրաբովիչ, Ն. Կ. Կրիվոնոս, Յա. Ռ. Դալիկիչ, Յա. Պ. Կիս, Շ. Ա. Տադևիչ, Ս. Տ. Բիլեցկի, Վ. Ս. Կուլիշկի, Բ. Գ. Կովալչակ և ուրիշներ):

Լվովի հասարակագիտական ինստիտուտի աշխատակաճ աշխատող, պատմական գիտությունների թեկնածու Յա. Գ. Բաակիչը զեկուցեց Լվովի միջնադարյան Ստավրուպոլյան եղբայրության հրատարակչական գործունեության

35 «Պատմա-բանասիրական հանդես», 1961, № 3—4, էջ 327:

36 ԳԱԹ արխիվ, Ֆ. Բ. Աղառյան, ք. 12, վ. 9435:

37 Նույն տեղում, վ. 9434:

38 Նույն տեղում, վ. 9441: